

U G O V O R

o nabavci roba- vrata sa okovima sa ugradnjom i demontažom postojećih vrata u Kantonalnom sudu u Tuzli

zaključen između:

KANTONALNOG SUDA U TUZLI, sa sjedištem u Tuzli, u ulici Maršala Tita 137, Tuzla koga zastupa predsjednik suda Indira Hadžimehmedović
Identifikacijski broj: 4209394940004
(u daljem tekstu: Ugovorni organ)

i
YAVUZ COMPANY D.O.O., sa sjedištem u Čehajama bb, Srebrenik, koga zastupa Mustafa Yavuz, identifikacijski broj : 4209709440005, transakcijski račun: 1860001058026069 ZIRAT BANK
(u daljem tekstu: Dobavljač),

PREDMET UGOVORA

Član 1.

Predmet ovog ugovora je nabavka roba- vrata sa okovima sa ugradnjom i demontažom postojećih vrata u Kantonalnom sudu u Tuzli koju će Dobavljač dostaviti Ugovornom organu u skladu s odredbama ovog ugovora i sljedećim dokumentima koji čine sastavni dio ovog ugovora u obliku njegovih priloga i to:

- Ponudom / specifikacijom Dobavljača br. 016/18 od 19.6.2018. godine.
Ugovorne strane podrazumijevaju da kompletna ponuda Dobavljača koja je dostavljena po predmetnoj nabavci sa svim dostavljenim dokumentima / aktima / dokazima / nacrtima / specifikacijama i dr. čini sastavni dio ugovora sa tim da se zbog obimnosti iste uz ugovor fizički vežu samo dokumenti iz ponude koji se odnose na osnovne komercijalne i tehničke elemente ugovora / nabavke), dostavljenoj po predmetnoj nabavci.

CIJENA

Član 2.

Cijena koju će Ugovorni organ isplatiti Dobavljaču za robu iznosi:

- Cijena bez PDV-a: 22.572,65 KM;
- Porez na dodanu vrijednost (PDV 17%) =3.675,51KM;

- UKUPNA VRIJEDNOST / CIJENA sa PDV-om =26.410,00 KM (slovima: dvadesetšesthiljadačetiristinedesetkonvertibilnihmaraka)

USLOVI I NAČIN PLAĆANJA

Član 3.

Plaćanje će se izvršiti najkasnije u roku od 60 dana od datuma ispostave fakture za uredno izvršenje obaveza iz člana 1 ovog Ugovora.

Plaćanje će se vršiti putem JRT Trezor Tuzlanskog kantona Tuzla na žiro račun Dobavljača broj: 1860001058026069 otvoren kod ZIRAT BANK

Dobavljač se obavezuje da će u skladu sa članom 1. ovog Ugovora, dostaviti robu po zahtjevu Ugovornog organa.

Isporuka robe je Fco Ugovorni organ.

ROK ISPORUKE

Član 4.

Rok isporuke ukupno ugovorene i specificirane količine predmetne nabavke, kao i pripadajućih usluga iz člana 1. ovog ugovora je do 60 dana računajući od datuma obostranog potpisivanja ovog ugovora.

Pod isporukom se podrazumijevaju sve potrebne radnje koje je Dobavljač dužan obaviti, prema ugovoru i prirodi posla, da bi Ugovorni organ mogao primiti isporuku u skladu sa uslovima iz ponude.

Mjesto izvršenja obaveza Dobavljača iz člana 1 ovog Ugovora je Kantonalni sud u Tuzli.

Do isporuke / predaje opreme Dobavljača (do dana obostranog potpisivanja zapisnika o kvantitativnom prijemu predmeta nabavke bez primjedbi) rizik slučajne propasti ili oštećenja predmetne nabavke snosi Dobavljač, a s isporukom / predajom predmeta nabavke rizik prelazi na Ugovorni organ. Rizik ne prelazi na Ugovorni organ ako je isti zbog nekog nedostatka isporučenog / predanog predmeta nabavke raskinuo ugovor ili tražio zamjenu predmeta nabavke.

ODGOVORNOST ZA MATERIJALNE I PRAVNE NEDOSTATKE

Član 5.

Dobavljač odgovara za materijalne nedostatke stvari koje je ona imala u času prelaska rizika na Ugovorni organ bez obzira na to da li mu je to bilo poznato.

Dobavljač odgovara i za one materijalne nedostatke koji se pojave nakon prelaza rizika na Ugovorni organ ako su posljedica uzroka koji je postojao prije toga.

Neznatan materijalni nedostatak ne uzima se u obzir. Šta se podrazumijeva pod neznatnim materijalnim nedostatkom zajednički / komisijski utvrđuju Ugovorni organ i Dobavljač.

U obavijesti o nedostatku stvari Ugovorni organ je dužan potanje opisati nedostatak i pozvati Dobavljača da pregleda stvar.

Ako obavijest o nedostatku koju je Ugovorni organ blagovremeno poslao Dobavljaču preporučenim pismom, telefaksom ili na neki drugi pouzdan način, zakasni ili uopšte ne stigne Dobavljaču smatra se da je Ugovorni organ izvršio svoju obavezu da obavijesti Dobavljača.

Nedostatak postoji ako ugovoreni / isporučeni/ predmet nabavke nema svojstva i odlike koje su izričito određene ovim ugovorom.

Dobavljač odgovara i za nedostatke koje je Ugovorni organ mogao lako opaziti ako je izjavio da stvar nema nikakve nedostatke ili da stvar ima određena svojstva ili odlike.

Dobavljač odgovara ako na isporučenom predmetu nabavke postoji neko pravo trećeg koje isključuje, umanjuje ili ograničava pravo Ugovornog organa o čijem postojanju Ugovorni organ nije bio obaviješten, niti je pristao da primi stvar opterećenu tim pravom.

Ukoliko se pokaže da treća osoba polaže neko pravo na ugovorenu opremu /robu , Ugovorni organ je dužan obavijestiti Dobavljača o tome (obaviještenje se vrši na način iz prethodnog stava ovog člana - preporučeno pismo ili telefaks ili neki drugi pouzdan način), izuzev kad je to Dobavljaču već poznato, i pozvati ga da u razumnom roku oslobodi stvar od prava ili pretenzije trećeg ili da mu isporuči drugu stvar bez pravnog nedostatka.

Ako Dobavljač ne postupi po zahtjevu Ugovornog organa , ugovor se raskida.

GARANCIJE ZA KVALITET IZVEDENIH RADOVA

Član 6.

Dobavljač daje garanciju na kvalitet izvedenih radova u trajanju od 36 mjeseci od dana preuzimanja izvedenih radova.

Za svu ugrađenu stolariju dobavljač daje Ugovornom organu garanciju od 36 mjeseci .

UGOVORNA KAZNA

Član 7.

U slučaju kašnjenja u isporuci robe do kojeg je došlo krivicom odabranog ponuđača isti je dužan platiti ugovorenu kaznu u iznosu od 0.1 % ukupne cijene, za svaki dan kašnjenja do urednog ispunjenja, s tim da ukupan iznos ugovorene kazne ne može preći 5% od ukupno ugovorene vrijednosti robe koja je predmet narudžbe.

Odabrani ponuđač je dužan platiti ugovornu kaznu u roku od 7 (sedam) dana od dana prijema zahtjeva ugovornog organa za plaćanje.

VIŠA SILA

Član 8.

Ako slučaj više sile, potpuno ili djelimično spriječi izvršenje obaveza po ovom ugovoru, ugovorna strana zahvaćena slučajem više sile je obavezna da o nastanku slučaja više sile, o vrsti i o eventualnom trajanju više sile pismeno obavijesti drugu ugovornu stranu u roku od sedam dana od nastanka slučaja više sile.

Ako se blagovremeno ne javi nastupanje slučaja više sile, ugovorna strana koja je pogođena tom okolnošću ne može da se poziva na nju, izuzev ako sama ta okolnost ne sprečava slanje takvog obavještenja.

Pod višom silom, u smislu prethodnog stava, smatraju se spoljni i vanredni događaji koji nisu postojali u vrijeme potpisivanja ovog ugovora, koji su nastali mimo volje ugovornih strana, čije nastupanje i dještvo ugovorne strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Kao slučajevi više sile smatraju se sljedeći događaji: rat i ratna dještva, pobuna, mobilizacija, štrajk u preduzećima ugovornih strana, epidemija, požar, eksplozije, saobraćajne i prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglasi kao slučajeve više sile.

Za vrijeme trajanja više sile obaveze ugovornih strana po ovom ugovoru miruju, ne primjenjuju se odredbe Ugovora o ugovornoj kazni, sa tim da se rok za izvršenje obaveza ugovornih strana produžava za period koji odgovara trajanju slučaja više sile i razumni rok za otklanjanje posljedica više sile.

Ukoliko slučaj više sile bude trajao duže od 30 dana, ugovorne strane će se sporazumijeti o daljnoj sudbini Ugovora. Ukoliko se ugovorne strane ne sporazumiju o sudbini ugovora, ugovorna strana kod koje nije nastupila viša

sila ima pravo na raskid ugovora pošto o tome pismeno obavijesti drugu ugovornu stranu.

STUPANJE UGOVORA NA SNAGU

Član 9.

Ovaj ugovor stupa na snagu danom obostranog potpisivanja od strane ovlaštenih lica ugovornih strana.

Svi rokovi u vezi s ovim ugovorom računaju se od dana stupanja ugovora na snagu, ukoliko posebnom odredbom nije ugovoren neki drugi datum kao početak toka roka.

PRIMJENA ZAKONA O OBLIGACIONIM ODNOSIMA

Član 10.

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog ugovora, a koji nastanu u vezi i povodom izvršenja ovog ugovora.

RJEŠAVANJE SPOROVA

Član 11.

Sve eventualne sporove i nesporazume koji bi mogli nastati iz ovog ugovora ili povodom ovog ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana, ugovara se nadležnost Općinskog suda u Tuzli uz primjenu pozitivnog prava Bosne i Hercegovine.

OSTALE ODREDBE

Član 12.

Dobavljač nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za

nabavke, najmanje šest mjeseci po zaključenju ugovora, odnosno od početka realizacije ugovora.

Član 13.

Izmjene i dopune ovog ugovora mogu se vršiti samo pismenim putem. Biće punovažne i obavezujuće ugovorne strane samo one izmjene i dopune koje su sačinili sporazumno u pismenoj formi.

Član 14.

Ovaj Ugovor je sačinjen u 4 istovjetnih primjeraka od kojih svaka ugovorna strana zadržava po 2 primjerka.

Ugovorni organ

Dobavljač


KANTONALNI SUD U TUZLI

Broj:003-0-Su-18-000-400

Datum: 11. juli 2018. godine

Predsjednik suda


Indira Hadzimelamedović



YAVUZ COMPANY D.O.O.

Direktor

Mustafa Yavuz





IZVJEŠTAJ O PROVEDENOM POSTUPKU JAVNE NABAVKE

Broj postupka	622-7-1-10/18
---------------	---------------

I UGOVORNI ORGAN

I 1. Podaci o ugovornom organu

Naziv	KANTONALNI SUD U TUZLI
IDB/JIB	4209394940004

I 2. Zajednička nabavka

Ne

II PREDMET UGOVORA

II 1. Vrsta ugovora

Robe, Kupovina

II 2. Podjela na lotove

Ne

II 3. Da li je zaključen okvirni sporazum?

Ne

II 4. Opis

II 4.a. Naziv predmeta ugovora

Nabavka robe-vrata sa okovima sa ugradnjom i demontažom postojećih vrata u Kantonalnom sudu u Tuzli

II 4.b. Jedinstveni rječnik javne nabavke (JRJN)

	Glavni rječnik	
	Kod	Opis
Glavni predmet	44220000-8	Građevinska stolarija
Dodatni predmet(i)	44221200-7	Vrata
	44221211-7	Okviri vrata
	45421131-1	Ugradnja vrata
	45421111-5	Ugradnja okvira vrata

II 5. Trajanje ugovora ili rok izvršenja

Definisano konkurentskim zahtjevom

III POSTUPAK

III 1. Vrsta postupka

Konkurentski zahtjev

III 2. Kriterij za dodjelu ugovora

Najniža cijena

III 3. Da li je korištena e-aukcija?

Ne

IV DODJELA UGOVORA

IV 1. Podaci o najuspješnijem ponuđaču/grupi ponuđača

Jedan ponuđač

R.Br.	Naziv	IDB/JIB	Općina/Grad	Država
1	Yavuz Company d.o.o.	4209709440005	Srebrenik	Bosna i Hercegovina

IV 2. Informacije o dodjeli ugovora

IV 2.a. Konačna ukupna vrijednost ugovora bez PDV-a u KM

22572,65

IV 2.b. Datum zaključenja ugovora

11.7.2018.

IV 2.c. Broj primljenih ponuda

1

IV 2.d. Broj prihvatljivih ponuda

1

IV 2.e. Vrijednost najniže prihvatljive ponude bez PDV-a u KM

22572,65

IV 2.f. Vrijednost najviše prihvatljive ponude bez PDV-a u KM

22572,65

IV 2.g. Primjena preferencijalnog tretmana

Ne